



25.07.16

UKA2016 / 79

Inatsisartut suleriaasianni § 33 naapertorlugu aalajangiiffigisassatut siunnersuut matumuuna saqqummiunneqarpoq:

Inatsisartunut aalajangiiffigisassatut siunnersuutigineqarpoq Naalakkersuisut peqquneqassasut Inatsisartut 2017-imi upernaakkut ataatsimiinnerannut atatillugu ukiunut sisamanut misileraataasumik aaqqississuussineq, nammineq inigisap aserfallatsaalineqarneranut imaluunniit nukimmik sipaarnerunissamut sanasunik suliaqartitsineranut atatillugu aningaasartuutit katillugit 20.000,00 kr inummumut ataatsimut akileraarutitigut ilanngaatigineqarsinnaalernissaanik suliaqassasut. Ukiut misileraataaffiusut tamarmik ukiumut 3.000.000 kr-nik aningaasanut inatsisitimmi illikartitsiviusaaq. Ukiut sisamat misileraataaffiusut ingerlareerpata misileraaneq nalilersuiffigineqassaaq.

(Steen Lyngé, Atassut)

Tunngavilersuut:

Inuiaqatigiinni pitsaasumik aningaasarsiornermut sinaakkutissiillutalu tunngavissiissaagut. Sapinngisamik innuttaasut amerlanerpaat namminneq ineqalernissaat aamma aningaasalersueqataasinnaaneri inuiaqatigiinni sumiluunniit peqqissumik aningaasaqarnermut tunngavisseeqataasarput.

Naatsorsueqqissaartarfiup kisitsisaatai naapertorlugit 2010-mi illut/init namminneq inuinnarnit pigineqartut 7.173-iusimapput. Allassimasuutigineqanngillat illut/init qanga sananeqarsimanersut aammalu qanoq issusaat nalunaarsorneqarsimanani. Naatsorsuutigaarali siunnersuutip malitsigiumaaraa illumik/inimik piginnittut namminneq inigisaminnut aningaasalersuinissaminnut katersaateqarnissaminnullu kajumissuseqarnerulernissaat, aammalu amerlanerusunik sulisoqalernissaanik kinguneqarnissaa. Taamaasilluni siunnersuut pitsaasunik arlalitsigut kinguneqassagatinneqarpoq.

Siullertut siunnersuutip kingunerissavaa, illutillit/initillit amerlanerusut inigisap nukimmik sipaarnerunissamik sanasunik suliaqartitsisinnaalernissaat, taamaasiornikkut innuttaasut



ataasiakkaat kiassarnermut aningaasartuutitigut sipaarfigilersinnaassavaat. Inuiaqatigiinnilu aamma ataatsimut ikummatissamik atuinikinnerulernissaq taamaasillunilu aamma CO₂-imik aniatitsinerup annikinnerulersinnaanera.

Illumik/inimik piginnittut namminneq illuutigisat/iniutigisat aserfallatsaalineqarnissaannut aningaasartuutit ilanngaatigineqalersinnaanerisa kingunerissavaat illumik/inimik piginnittut nammineq illuutigisaminnut/iniutigisaminnut aningaasalersuerusunnerulernissaannik, taamaasilluni aamma illup/inip nalinga sivisunerusumik allannguajaatsuutinneqarsinnaalissaaq. Tamatumallu naggataatigut kingunerissavaa, innuttaasut ataasiakkaat ileqqaagaqalernissamut periarfissagissaarnerulernissaannik.

Aaqqissuussinerup aamma kingunerissavaa, suliffiit amerlanerusut pilersinneqarnissaa, namminneq illugisanut/inigisanut aningaasalersuerusussutsip annertusineratigut. Tamatumap naggataatigut kingunerissavaa, inuiaqatigiinni suliffissaaleqisut pisortaniillu pilersorneqartut suliffissaqalersinnaanerinik.

Soorunami siunnersuutip aallaqqaammut kingunerissavaa akileraarutitigut isertitat ukiuni siullerni annikilleriaateqarnissaat, aaqqissuussinerulli atorneqarneruleriartorfiani kiassarnermut atuinikillinerup, ikummatissamik nunanit allaniit tikisitsisarnerup CO₂-mik aniatitsinikinnerulerneq, suliffissallu amerlanerulerni taamaasillunilu aamma inuiaqatigiinnut akileraarutitigut isertitat annertuseriarneri aammalu pisortanit aningaasartuutit annikilleriarneri.

Inuiaqatigiittut akissaqartinngilarput, innuttaasut namminneq akisussaassutsimik tigusinissaannut aaqqissuussinernik pilersitsinnginnissaq. Innuttaasup ataatsip akisussaassutsimik tigusingaagat, taava aamma inuiaqatigiit aningaasartuutaannut sipaarutaasarpoq.

Pisortat aningaasatigut allaffissornikkullu kingunerisassaat:

Siunnersuutip aningaasatigut kingunerisinnaasai eqqarsaatigissagaanni, apeqqutaassapput aaqqissuussinermik atuisut qanoq amerlatigissanersut. Inuit 100 aaqqissuussineq atussappassuk, taava tamatumap ilanngaait ilanngaatigereerlugit akileraartarnikkut isertitat 800.000 kr-nik



ATASSUT INATSIARTUNI

annikilleraateqassapput. Tamannali ilaatigut matussuserneqassaaq sanasut suliarinnittussat akileraarnerulerneratigut isertitanit.

Siunnersuutigineqarpoq ukiuni misileraaffiusuni sisamani ukiut tamaasa 3.000.000 kr-nik ukiut tamaasa aningaasanut inatsimmi illikartitsisoqassasoq.

Tamatumap saniatigut aamma allaffissornikkut siunnersuutip suliarinissaanut aningaasartuuteqarnissaq aammalu kingunerisaanik nalilersuineranut suliaqartussanut. Takorloorneqarpoq katillugu ukiup affaanut AC-tut sulinerup naligatut annertussuseqarnissaa tassalu 250.000 kr. Tamatumap iluani ilaapput nutserneqarnera aammalu tusarniaatigineqarnera.

Namminersorlutik inuussutissarsiuuteqartunut aningaasatigut allaffissornikkullu kingunerisassaasat:

Aningaasat aserfallatsaaliinermut illikartinneqarsimasut toqqaannartumik sanasut aningaasarsiaqartinnerinut ingerlasussaaneerit peqqutigalugit, taava naatsorsuutigineqarsinnaavoq, siunnersuutip kingunerisagai sanasunut suliaasaqarnerulersitsinermik aammalu aalaakkaasumik suliaasaqalernermik.

Innuttaasunut aningaasatigut allaffissornikkullu kingunerisassaasat:

Innuttaasut aningaasaqarnikkut killilimmik atugassaqaqarnertik peqqutigalugu aserfallatsaaliinissamut periarfissakinnerusut periarfissagissaarnerulissapput aserfallatsaaliinissaminnut aammalu illup/inip naliganik attassiinnarsinnaaneerit sivilisunerulersissinnaassallugu.